

TE HEHEURAA API

== Te Avae Atopa 1954 ==

Te Tupuraa O Te Reni Patereareha.

E Tuatiraa Teie

Uiraa 12. I raro a'e i te faatereraa a Enosa na haere te pupu feia mo'a i te fenua i parauhia. Eaha te tumu i tau i ai ratou i to ratou nohoraa?

Pahonoraa E hi'o rii tatou i te huru o te ao nei i reira. "E ua rahi roa'tura te mau tamarii a te taata i nia i te fenua e ati noa'e. E i tana mau mahana ra rahi roa'era to Satani mana i rotopu i te taata, e arepurepu ihora to ratou mau aau; e mai reira mai hoi te tupuraa te mau tama'i, e te haamaniiraa toto; E tama'i atura to te taata rima i to'na ihora taeae; i te tuuraa'tu i te pohe, no te mau ohipa huna, i te titauraa'tu i te mana. (Mose 6:15) E parau mau teie, ia piri roa, e ia rahi te taata i nia i te hoê tufaa fenua, e rahi roa atoa ia te ohipa ino i taua vahi ra. E mea au ore

te ohipa faufau i te parau-tia. No reira, te feia mo'a i faarue ai i taua vahi apiapi i te taata ra, e o tei i i te ohipa faufau. Ia haaparahia ratou i te hoê fenua api, ei reira ratou e nobo ai ma te hau e te oaoa. Na te Atua râ ratou i aratai i te fenua i parauhia ra.

Uiraa 13. Tei hia te apooraa inatamua a te Ekalesia ta Adamu i haapao, na mua rii a'e i to'na poheraa?

Pahonoraa "E toru matahiti i mua'tu i to Adamu poheraa na aratai oia ia Seta, Enosa, Kainana, Malaleela, Iareda, Enoha, e o Metusaela, e mau tahu'a rarahi ana'e hoi ratou, e te toea no to'na ra huaai o tei parau-tia, i roto i te peho ra ia Adamu-onodi-ahamana, e i reira to'na haamaitairaa hopea ia ratou. Tei te fenua ra "MISSOURI" i roto i te mataeinaa "DAVIDA" i Amerika te peho ra o Adamu-onodi-ahamana.

Aita rea e matahiti toe i mua nei e parahi faahou Adamu ei Patereareha, ei metua, ei upoo faatere no te hoê apooraa i taua vahi ra. Ei reira atoa hoi te mau tahu'a rarahi e te feia parau-tia. E na mua te tupuraa o teie mau mea i te tae-pitiraa mai o te Mesia.

Ei reira e faatiabhi i te parau tohu a Daniela 7:13 no "to te mau mahana tahito ra" oia hoi o Adamu ma.

Uiraa 14. Ehia to Enosa matahiti?

Pahonoraa Ua ora o Enosa e 905 matahiti i nia i te oa nei.

To Mose Ite Mataraa I Te Fatu.

Exodo 3-4, [Buka Poe Tao'a Rahi Mose 3]

E tiaraa maitai to Mose i mua i te aro o te Fata, e ua riro atoa hoi oia i te hoê no to'na mau tavini tei han roa i te teitei. E rave rahi te mau taima ta te Fatu i faaue atu ia Mose, e ua paraparau noa ihora rana te tahi e te tahi.

I te hoê mahana a fâ mai ai te Fatu ia'na, ua faaite atura Oia ia Mose na roto i te hoê orama te huru no te poiete-raa-hia o teie nei ao. Ua faaite atoa'tura te Fatu ia Mose o Oia te Fatu Man o te poiete i te mau ao e rave rahi. Area i nia i teie nei ao ra, o Adamu ia ta'na taata matamua i hamani.

Ua roaa atoa maira te iteraa o Mose e, te vai tamau noa ra te here o te Fatu i nia iho i ta'na ra mau tamarii i tiahapa mai i nia i teie nei ao, e e heheu noa â Oia ia ratou i Ta'na mau parau mau. E ua riro ia ei hi'oraa rahi no taton to te mau mahana hopea nei. Ua parau atura te Fatu i te na ôraa e, "*Teie Tu'u ohipa e To'u hanahana hoi ia faatupu i te tahuti ore e te ora mure ore o te taata nei.*" Area râ, e ere ia teie ana'e iho te orama i iteahia e Mose, maori râ, te orama atoa no nia i te tiavaru-raa-hia o Satane i rapae i te Basileia o te Fatu.

Ua parau atura te Fatu ia Mose ia haere atu i te fenua Aiphiti no te iriti mai i te tamarii a Iseraela i rapae i te titiraa a to Aiphiti. Ua tapu atoa'tura te Fatu ia Mose e, e rave rahi te mau temeo o te tupu na roto i ta'na mau faatereraa, area râ, e ere roa tana mau temeo ra i te faataui i te mau huru o Pharaô. I tana taima atoa ihoa, ua parau atura te Fatu ia Mose ia parau atu ia Pharaô, Ia ore noa'tu oe

e faatia ia ratou ia haere, e riro ia Vau i te haamou i ta oe na tamaiti matahiapo."

Te feaa noa ra o Mose e na parau atura oia i te Fatu, eita e tia ia'u ia haere no te mea e taata reo maumau hoi au. Ua parau atura te Fatu ia Mose ia rave i to'na ra tuaana ia Aaron e auaha no'na.

I muri mai i teie nei orama a te Fatu, na fâ atura o Satane e na tamata ihora ia Mose. Haavare atura oia i teie nei Peropheta e o oia te Fatu, e na titau atoa ihora oia ia haamorihia oia.

Area râ, ia haamana'o a'era o Mose i te huru no te hanahana o te Fatu i te fâraa mai, papu ihora ia'na e, te faahemahia ra oia. Ua parau atura Mose ia Satane, "A faatura'tu oe i to oe na Atua o Oia ana'e ta oe e tia ia tavinii. I te reira atoa ihoa taima tiaoro atura oia i roto i te i'oa o te Fatu, e ua tiahi ihora Mose ia Satane ia haere ê atu. Area râ, ua haavare faahou maira o Satane ia Mose e, o oia man ihoa te Fatu. Ua rahi roa te maramarama o Mose e na tiehi faahou ihora oia ia Satane.

I te taima o Mose i hi'o a'e ai i nia i te ra'i, ua faaroo atura oia i te hoê reo i te na ôraa e, Na'u na te mana hope i maiti ia oe e faarahihia'tu to oe puai i to te mau pape e rave rahi râ; e haapao hoi ratou i ta oe ra parau mai te huru e, o te Atua oe.

Mai reira, na hoi atura Mose i to'na utuafare, e ua ati atura i te metua tane no tā'na ra vahine ia tuu atu ia'na ia haere atu i to'na fenua ai'a. Ua haaputuputu ihora Mose i to'na ra utuafare e inaha na haere ana'e atura ratou i te fenua Aiphiti.

Faat

Teie

i te h

tau n
reira
te ma
murite ma
te taa
ra'i (
raa o

To Tatou Ti'araa.

Tuatiraa

Faatitiaifaroraa: *I roto i te vea i mairi a'enei api 221, ua papaihia (Apoc. 6:7-8) "E ia vahihia e ana te pac o te tapao taati ua horoahia te mana i te pohe e ia Hade ia taparahi i te maha o te tufaa o to te ao nei".*

Teie te ti'a:

E ia vahihia e ana te maha o te tapao taati ra, faaroo atura vau i te maha o na mea ora ra i te na ôraa e, A haere mai a hi'o. Hi'o atura vau, e inaha e puahorofenua makeahea: to'na i'oa to tei parahi i nia ihora, o Pohe ia, e o Hade tei pee i muri a'e ia'na. E e mana tei horoahia mai no raua ia taparahi oia i te maha o te tufaa o to te ao nei i te o'e, e te ma'i e te ô'e e te puaa taehae o te fenuo nei.

Ta tatou parau o teie ve'a, o to te Atua ia faatupuraa i te hoê Basileia maite au i te toburaa a Daniela 2:44-45.

I roto i te ve'a i mairi a'enei, ua paraparan tatou i te tau no te tupuraa o te TAIVARAA RAHI. Ua itehia mai i reira e ua haamata te tupu te parau tohu a Daniela 12:11 i te matahiti 720 hou Iesu e ua hope ia i te matahiti e 570 i muri ia Iesu e ia amuihia te reira e noaa mai ia e,

720 e te 570 e tia ia 1290 matahiti

No reira, i te matahiti e 570 i muri ia Iesu i tupu ai te mau mea faufau e ano ai, te viiviraa te fenua i raro a'e i te taata te revaraa ia o te mana e te Basileia o te Mesia i te ra'i (Apocalupo 12:10), oia hoi, te haamataraa ia o te tupuraa o te TAIVARAA RAHI ta tatou e paraparan nei. E no

te mea e tupu taua Taivaraa Rahi ra i nia i te ao nei i na matahiti 1260 (Apc. 12:6) te maoro, e mea ohie roa ia ia ite tatou i to'na hopea.

Haamataraa no te *Taivaraa Rahi* - m. 570 i muri ia Iesu Te tupuraa no te *Taivaraa Rahi* - m. 1260 te maoro.

Hopea no te *Taivaraa Rahi* - amuhia 1830 m. i muri ia Iesu.

E no te mea e hope te Taivaraa i te matahiti 1830 i muri ia Iesu e ho'i mai ia te vahine i reva i te medebara ia oti to'na utuntu-raa-hia (Apc. 12) no te mea ua faanahia to'na maorora ia parahi i te medebara, oia hoi, e 1260 matahiti.

Eaha tatou e ite ai i te matahiti 1830? Ua faatiahia te *Te Ekalesia a Iesu Mesia i te Feia Mo'a i te Mau Mahana Hopea Nei i te 6 no Eperera no na Melo e Ono.*

Te hi'o nei o Ioane i roto ite Apc. 14:6 i te *hoê melahi i te maueraa na ropu i te reva ma te Evanelia e tia i te vaira ra i te piiraa te reo e a matau i te Atua e faahanahana tu Ia'na ua tae hoi te hora faautuaraa na'na. . . .*

Teie nei Ekalesia a Iesu Mesia i te feia mo'a i te mau mahana hopea nei tei faatiahia i te 6 no Eperera matahiti 1830 o te Basileia ia ta Daniela i tohu mai i te pene 2:44 ta te Atua i faatupu.

Eiaha outou e peapea ia parau atu vanu e, o taua Ekalesia nei taua Basileia. no te mea, o te Basileia ia tei reva i nia i te ra'i (Apc. 12:10) e ua faahohia mai (Apc. 14:6) e no te mea i rotopu mau i te anotan o na arii hoê ahuru i tupu mai no roto i te hau Roma, oia hoi, o teie ihoa ia mau Basileia ta tatou e ora nei.

Te vai atura

Tehina a Tapu

pure.
ia tato
i ta tat
ia tato
E aore
ani att
atu na
teie te
rahi te
râ i te
te i'oa

to i 'Ta
maira i
ra'i Oia
faatata
parau o
ra i'oa
i ani m
outou e
"E ta
Metua
ia e ran
Ati Nep
To'u ne
I
tou e a

Nahea Tatou Ia Pure.

Na te Fatu i haapii mai ia tatou i te ravea tano ia pure. A poro haere ai Oia i te Evanelia ua horoa mai Oia ia tatou i ta'na pure. E te haapiiraa matamua ia faahiti i ta tatou mau pure atoa i to tatou Metua i te ra'i ra. Aore ia tatou e pure atu i te vetahi ê, maori râ, i to tatou Metua. E aore ia tatou e pure atu ia Iesu, e aore râ ia vetahi ê. E ani atu i ta tatou mau pure atoa i te Metua ra, e ia faaoti atu na roto i te i'oa o Ta'na Tamaiti ia Iesu Mesia ra. O teie te mea ta te mau feia o te ao nei i ore i rave. E rave rahi te mau pure ta tatou i faaroo na roto i te radio e aore râ i te tahi atu â vahi ê, aita roa ratou e pure nei na roto i te i'oa o Iesu Mesia.

Te parau nei te tabi pae e, aita te Fatu i na reira i roto i Ta'na a'oraa i nia i te mou'a ra. I muri iho ra, ua faane maira i Ta'na mau pipi ia rave i te reira. I nahea i na reira'i Oia? Ia'na i a'o atu ai i Ta'na mau pipi na mua i To'na faatatanro-raa-hia. Te na ô maira Oia e, *Amene, Amene, e parau atu vau ia outou, ta outou e ani atu i te Metua ma To'u ra i'oa Na'na ia e horoa mai ia outou na. Aore a outou mea i ani ma To'u nei i'oa, e ani e roaa ia ia outou, ia tia roa to outou oaoa. (Ioane 16:23-24)* E na haapii atoa hoi oia e, *"E ta outou e ani ma To'u ra i'oa, e tia ia Ia'u ia maitai te Metua i te Tamaiti, o ta outou i ani ma To'u ra i'oa, Na'u ia e rave. (Ioane 14:13-14)* E hoê â Ta'na haapiiraa i te Ati Nephi, *"No reira, ia pure outou i te Metua na roto i To'u nei i'oa ma te tuutau ore e tia'i. (3 Nephi 18:19)*

E ua haapii maira te Fatu e, o te mau mea atoa ta tatou e ani i te Metua na roto i To'na ra i'oa, o te tia ia, a

faaroo ai e noaa taua mau mea ra. E noaa ia ia tatou. 3 Nephi 18:19.

Te vai nei te faufaa rahi no te reira, oia hoi, e mea afaro anei, e e mea tia anei i te mau mea tatou i ani ra? E nafea ia e ite ai tatou e, eaha te mea afaro e te mea tia ia tuu i roto i te pure? Ua papaihia te pahonora i roto i te Alama pene 34. Te faaite mai nei Alama e, ia pure atu Ia'na ia tanturu mai i ta tatou mau ohipa, to tatou mau utuafare paatoa, e ta tatou mau faufaa, e pure atu ia'na ia paruru mai ia tatou i te mana o to tatou mau enemy e te faahemaraa a te diabololo. E ani Ia'na ia haamaitai ia tatou e ia ratou tei pihai iho ia tatou.

Ua faaue Iesu, e pure i roto i to tatou mau fetii e ia vai tamanu noa te pure i roto i te utuafare. E pure no te mau taata ia haere mai i te mau pureraa. E pure hoi no te mau feia o tei pohe i te ma'i. E i roto i Ta'na a'oraa i nia i te mou'a, ua haapii mai Oia ia tatou e pure no to tatou mau enemy e te mau feia o tei tuhi mai, parau ino mai e tei haamani ino mai ia tatou.

Te vai nei te mau tau e pure tatou no te mau mea tano ore. No reira, e feia tahiti tatou, e aita i taa maitai ia tatou i te hinaaro mau o te Atua i roto i te mau mea atoa nei. Parau mau ia, i roto i ta tatou pure no te feia i pohe i te ma'i, ua faaitetia tatou i te reira, "Ia ore ratou ia haapaohia no te pohe, te pure o te faaroo ei faaora ia ratou." (B.F. 42:44-52)

No teie tumu e tia ia tatou ia tiaturi i roto ia'na i te mau tau atoa e pee i muri i te ravea a te Faaora i te ô Getemane, ia parau e, "Ia tupu to oe hinaaro, eiaha To'u."

3 Ne-

Te faufaa rahi o te pure teie ia, ia pure ma te faaroo, e noaa ia ia tatou. "E te mau mea atoa ta outou e ani atu i te Metua na roto i To'u i'oa, o tei tia ia, a faaroo ai, e noaa taua mau mea ra, e noaa ia ia tatou."

Te pure, o te hoê mea hoo-ore no tatou. E tia ia tatou ia iriti i te mau haamaramarama o te ra'i ra, e noaa ia te mau haamaitairaa e rave rahi, mai te mea ra e, te vai ra to tatou faaroo mau. E e tupu to tatou oraraa i te rahi e te oaoa rahi atoa hoi, mai te peu e, e vai to tatou faaroo mau ra. Area ra, e tia ia haamana'o e, o te faaroo, aore e ohipa ra, e faaroo pohe ia. Aore te faaroo pohe e noaa te haamaitairaa. "Mai te mea ua here outou ia'u, e haapao ia outou i Ta'u mau faaueraa."

Na roto i to tatou haapaoraa, e ta tatou tusia e roaa mai ia te mau haamaitairaa no te ra'i mai. E ua taua mau mea e faarahi i to tatou faaroo.

Papaiahia e Joe Childer (Orometua)

Eaha Te Hoê Taata O Tei Parauhia, E Momoni

Ua riro te oraraa tiamâ, te morure ruperupe, e te autaeeraa, ei mau niu mau no te faaroo Momoni.

Tei raro nei te tahi mau tufaa Evanelia tei puharahia i roto i te

Vea P. I. X., no Australia i na avae i mairi a'enei.

I iritihia ei reo Tahiti e Louis Palmer.

Momoni

Te parau ra e, "Momoni", no roto mai ia i te reo Aiphiti, o tei hopoibia'tu i te pae apatoa o te fenua Amerika e te hoê pupu taata, e te auraa o taua parau ra, "Han atu i te maitai". Momoni o te i'oa ia o te hoê mau peropheta tahito tei parahi atu i nia i taua fenua rahi ra o Amerika i

te pae too'a o te râ i te afatiaraa o teie nei ao, e 400 matahiti i muri mai i te poheraa o te Fatu.

Area te i'oa mau o taua Ekalesia ra, na parauhia ia e, "Te Ekalesia a Iesu Mesia i te Feia Mo'a no te Mau Mahana Hopea Nei." No te faataaraa i taua Ekalesia nei i te Ekalesia i faatiahia e te Fatu i mutaa ihora, ua tun atoa hia ihora te parau ra e, "I te Feia Mo'a i te Mau Mahana Hopea Nei."

Tei Salt Like City (Roto Miti) te upoo faatere no teie Ekalesia. E noa'tu hoi i te mau faahaparaa e tae mai, na riro mau â ratou nei ei mau melo mau no teie Ekalesia a Iesu Mesia i te Feia Mo'a i te Mau Mahana Hopea Nei, o tei ore â i faahuru-ê-hia mai te matahiti 1830, mai te tau oia i faatiahia'i.

Eaha Ta Te Hoê Momoni E Tiaturi nei?

Ua riro te hoê melo o te Ekalesia a Iesu Mesia i te Feia Mo'a no te Mau Mahana Hopea Nei, e aore râ te hoê Momoni mai tei parau-noa-hia ra, ei taata o tei pupu i to'na ra oraraa no te taviniraa i te Fatu ma te moni ore. Te tiaturi atoa nei oia e, e Atua mau te ora nei, e tei nia la'na te hoho'a o te taata nei.

Ua roaa mai teie ite na roto i te Heheuraa a te Fatu i Ta'na ra Peropheta mau. Te tiaturi atoa nei te hoê Momoni e, o Iesu te Tamaiti Fanaa Tahiti a te Fatu o tei pou mai i roto i te tino nei, e o tei haere mai hoi i te ao nei no te faatiaraa i Ta'na ra Basileia. E piti na ohipa rahi i ravehia e te Fatu no tatou. Te matamua ra, o To'na ia tiafaahouaraa, e To'na hoi poheraa o tei riro ei ravea ia tiafaahou-mai te mau taata atoa mai te pohe mai. Te piti ra, o te ravea faaau ia o Ta'na i horoa mai i te taata tahuti nei ia tia ia ratou ia

imi i te mau ravea atoa ia faahanahanahia to ratou tino na roto i te haapaoraa i Ta'na mau ture. Te tiaturi nei te Momoni e, e tia noa te taata ia riro ei taraehara no ta'na iho mau hara e ua horoa mai te Fatu i te mau ravea atoa ia roaa i te taata nei te tatarahapa a baptizohia'tu ai oia no te tamâraa i ta'na ra mau hara. E te tiaturi atoa nei oia e, na roto i te tatarahapa e tia'i i te taata nei ia baptizohia e ia farii hoi i te Varna Maitai na roto i te tuuraa rima, ia riro taua Varua nei ei aratai e ei tia no'na i roto i to'na ra mau haerea.

Ua huru ê anei teie nei Ekalesia i te vetahi atu mau
Ekalesia Chritiano?

Te faaroo nei te momoni e, na roto i te hi'araa e te hara a te taata nei, ua viivii roa te Ekalesia i faatiahia e te Fatu, e te Evanelia hoi i porohia e Ana ra. Te faaroo atoa nei hoi ratou e, na roto i te maitiraahia o te mau aposetolo e te mau melo faaroo, e na roto atoa hoi i te mau haamaniino-raa, ua haamouhia te Ekalesia a te Fatu i nia i teie nei ao, e ua riro te mau faatere o roto i te Ekalesia mau o tei amuhia te mau peu Edene. I tana mau taimera, ua opahia te mau hehenraa a te Fatu i te taata nei, e na atea ê atu hoi te Atua i Ta'na ra mau tamarii.

I roto i te area o te matahiti 1900, ua faahoi faahouhia mai te mana mau no te Ekalesia i nia i te nei ao. Teie ana'e iho te Ekalesia i nia i te ao nei o tei farii i te Antahu'araa e o te tuu nei i te reira i nia i te mau tane tiamâ atoa, na roto i te tuuraa rima a riro mai ai ratou ei mau melo no roto i te Antahu'araa. Aita roa te hoê orometua e afaahia nei i te moui i roto i tana Ekalesia nei. Pau roa te

mau ohipa e ravehia nei i roto i te Antahu'araa, te ravehia nei ia te reira na roto i te tautururaa e te hinaaro mau hoi o te taata tataitahi.

Teie ana'e iho te Ekalesia e haapii nei i te mau oro'a e tia ia ravehia no te mau oraraa o te mau tau e vai i mua nei. E o te hoê o tana mau Oro'a ra o te faaipopopora ia e ravehia nei i roto i te mau Hiero, no te faariorara i te tane e te vahine ei hoê i roto i to raua oraraa i te pae tino e te pae varua hoi. E rave atoahia i roto i te mau hiero, te mau oro'a e hinaaro-roa-hia no te mau hui tupuna o tei pohe na. Te vai nei ta teie Ekalesia e hitu hiero, hoê i Roto Miti, Canada, e Havaii etc, te vai atoa nei e piti te hamanihia nei i Switzerland e i Rarodona (London) i te fenua Paratane.

I roto atoa ihoa i teie nei mau hiero, te ravehia nei te mau ohipa no te Bapetizoraa i te mau taata pohe, mai te au i te mau haapiiraa i roto i te Bibilia. Te haapii mai nei Petero, Paulo, e te Fatu atoa hoi i tana mau haapiiraa nei. Mai ta Iesu i parau mai i te na'oraa e, "*Eita roa te hoê taata e ô i roto i te Batileia o te Atua maori ra, ia Babetizohia*" e no reira, te faaroo nei ratou e, e mea tia ia faaorahia ratou e ia ravehia hoi tana mau ravea ra na roto i te mana o te Antahu'araa Teitei, oia hoi, Melehidedeka.

Te Tiaturi Nei Anei Ratou I Te Mau Heheuraa?

Na roto i te tupuraa o te Apotata, te tiaturihia nei e, e mea tia ihoa ia faatia-faahou-hia te reira. No reira, na tuuhia maira te hoê Peropheta api i nia i teie nei ao no te faatia-faahou-raa i te mana no te Antahu'araa, ia riro te reira ei e'a e ei tautururaa hoi i te mau mea i moe ra. No reira i tuuhia mai ai, ia tae a'era i te 6 no Eperera 1830. na faahoi-faahou-hia maira tana mana nei i nia i teie nei

ao, e ua faatiahia i hora tana Ekalesia nei mai te au i tei faatiahia i mutaa i hora, oia hoi, ua faatiahia i hora te Peropheta e te mau Aposetolo. Na roto atoa i teie nei Peropheta, te faaroo atoa nei ratou e, ua faahoia mai te huru mau o te mau haapiiraa i haapihia e Iesu, e te faaroo atoa nei ratou e, e rave rahi te mau mea faufaa roa o tei faahoi-atohia mai i nia i teie nei ao.

Eaha Te Papairaa Mo'a Ta Ratou E Tiaturi Nei Ei Parau Mau Na Te Atua?

Te haapii nei te Ekalesia a Iesu Mesia e, o te Bibilia ra o te Parau Mau ia a te Atua, e ua riro hoi tana Buka ra ei tuatapaparaa no te Atua e ta'na ra Tamaiti o Iesu Mesia e te poietereraa hoi i teie nei ao. Te faaroo atoa nei ratou e o te Buka a Moromona ra o te Parau Mau ia a te Atua, e e ua riro atoa hoi tana Buka nei ei tuatapaparaa no te hoê nunaa rahi o tei parahi atu i nia i tana fenua rahi o tei parauhia te fenua Amerika, e ua roto atoa i tana Buka nei, te ite nei tatou e, ua tae tino atu Iesu ia ratou no te faatiaraa i Ta'na ra Ekalesia.

Mai Teihea Te Huru No Te Pororaa Evanelia I Roto I Teie Nei Ekalesia.

Te faaroo nei ratou e, tei roto i teie Ekalesia nei te hoturaa o te ohipa pororaa Evanelia. Te maitihia nei te mau Orometua i tera vahi e tera vahi, noa'tu te huru o te toro'a i mauhia e ratou no nia i te imiraa i te mau maitai no te pae tino nei. I roto i teie nei Ekalesia, aita roa te hoê Orometua e rave nei i te ohipa ma te moni. Te aufau nei ratou i te moni no te hooraa'tu i ta ratou iho maa, to ratou iho mau ahū e vetahi atu mau haamanuaraa i haamana'ohia no te oraraa nei, no tana toroa no ratou ra. Te faaroo nei

râ ratou e, i muri a'e i taua toroa ra, e riro ia ratou ei mau taata itehia e te faaturahia hoi i nia i to ratou ra mau fenna, e te mau vahi e haerehia e ratou ra.

Te vai nei i roto i teie nei ao, e i teie nei â mahana e 7000 mitinare poro Evanelia i tono haerehia i tera vahi e tera vahi, tera fenna e tera fenna. E te ite i roaa mai i teie nei mau Mitinare o te ite ia o tei hau atu i te maitai i to te ao nei.

Eaha Te Faufau Rahi I Roaa Mai Na Roto I Te Pororaa Evanelia A Teie Nei Mau Mitinare?

Ua tupu roa te hoê ohipa maere e te umere rahi na roto i te mau ohipa i ravehia e ratou. I te haamataraa no teie nei Ekalesia, te vai ra e 6 taata. Area ra, i teie nei mahana, te vai nei ia e piti mirioni e tiahapa melo no teie Ekalesia. Te tupu rahi noa nei te mau ohipa a teie nei Ekalesia, i tera Oire e tera Oire. I tera fenna e tera fenna.

Nohia Mai Te Moni A Teie Nei Ekalesia?

Na roto i te itoito, e te faaroo hoi o te mau melo o taua Ekalesia ra, te aufau nei ratou i te ahururaa no ta ratou ra mau faufaa, na te Ekalesia. E mai te au i te mau haapiiraa ta ratou i haapii te roaa mai nei te iteraa e, ia aufanhia te tufaa-ahuru, mai te au i te aan tae e te oaoa hoi. E roa mai te haamaitairaa (Marati pene 3:7-10)

I te mau matahiti i mairi a'e nei, ua roaa mai i teie nei Ekalesia e 24.000.000 dollars moni tufaa-ahuru. Te faaroo nei ra ratou e, e ite-atoa-hia te here o te hoê taata i to'na ra Atua, na roto i to'na ra aufauraa i ta'na tufaa-ahuru o tei riro ei tufaa no ta'na ra mau haamaitairaa no ô mai i te Fatu ra.

Te Vai Nei Anei i Roto i Teie Nei Ekalesia Te Tahī Mau
Ture i Faatiāhia no nia i te Morare o te Taata Nei?

E tei roto i teie nei Ekalesia te mau ture paari atoa o te nehenehe e itehia i roto i teie nei ao. Te parauhia nei taua ture ra e, "Te mau paran paari."

Ua riro te mau paran paari ei mau ture i faatiāhia ei parururaa i te tino o te taata nei. I roto i taua ture nei, te rahuīhia ra te ava taero, te mau huru avaava, e te mau maa atoa hoi o te nehenehe e faatupū i te rohirohi e te mā'i o te taata nei. I roto i taua Ekalesia nei, i tera vahi e tera vahi, te haapii noa hia nei, te mau Feia Api atoa i te haapao i taua mau ture nei. Area tei haapao ra, ua roa ia ia'na te maitai. Area tei ore i haapao ra, e roa mai ia ia'na te pohe e te roo ino.

Eaha Te Ravea a Teie Nei Ekalesia no Faaherehereraa
I To'na Ra Mau Feia Api?

Te ini nei teie nei Ekalesia i te mau ravea atoa ia maitai to'na ra mau Feia Api, eiaha i te mau mea ana'e no teie nei ao, maori ra i te mau ohipa atoa no te pae varua, e no te ao amuri atu. I te mau matahiti atoa, te faatupu nei teie Ekalesia no to'na ra mau Feia Api i te tahī mau oriraa e te mau faaoaoaraa. Te vai nei i roto i taua mau oriraa nei, te mau oreroraa paran, e e raverahi atu ā mau ohipa maitai, mai te au i te mau haapiiraa hobo'a.

I roto i te tahī amuiraa i faatiāhia i na ava'e i mairi a'e nei, ua tairuru maira e 28000 mau Feia Api tane e te mau Feia Api vahine no taua amuiraa ra. E i roto atoa i taua amuiraa nei, ua fatata roa e 3800 mau haapiiraa hobo'a i faaterehia. E i roto atoa i taua mau amuiraa rahi ua raton ra, ua tairuru atoa mai te mau huru pupu hantiraa atoa a te mau Feia Api. E i taua atoa ihoa amuiraa ra, ua tae mai e 970 mau pupu Basket-Ball, e ia tai'ohia te taatoaraa o te mau Feia Basket-Ball, ua tae ia i nia i te faito ra 10500.

Te Nahea Nei Teie Nei Ekalesia i To'na mau Melo
I Roohia I Te Ma'i?

Te vai nei e piti na ravea rahi o ta te Ekalesia e rave nei no te tautururaa i to'na mau melo i roohia i te ati. Te ravea matamua ra maori ra ia, o te horoaraa'tu ia ratou te mau ravea e te mau tanturu e tano no to ratou ra oraraa. Te piti ra, o te haapiiraa'tu ia ia ratou e, e mea nahea ia ini i taua mau ravea nei, ia tia noa ia ratou ia tanturu noa ia ratou iho.

Te vai nei i roto i taua Ekalesia nei, te mau huru ravea atoa no te tautururaa i te mau feia veve. Te vai nei i raro a'e i te faatereraa a teie Ekalesia, e rave rahi mau fare vairaa maa. Te vai atoa nei te mau fare hamahiraa maa tahiriraa tihoti, hamahiraa faraoa ota, etc. . . Te vai atoa nei ta teie Ekalesia, te mau fare rapaauraa ma'i, e te faaearaa no te taata ma'i. Ua faatupubia teie nei mau mea na roto i te tautururaa a te mau melo itoito e te faeroo hoi i roto i taua Ekalesia nei. I te matahiti i mairi a'e nei, na pan ia no te tautururaa i te mau huru taata atoa i roohia i te ma'i, e ~~no~~ 600,000 dollars. Na te reira ia e faaite mai ia tatou i te huru mau no te mau tanturaa o ta teie Ekalesia e rave nei i te mau huru taata atoa noa'tu te haru o te nunaa, e na tae atoa mai taua haamaitairaa ra i Tahiti nei.